

سنه لکی درسعات ایچون مجیدیه
یکرمی فروش حسابیله التمش
غروشدر

طشیره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

مجلس اعلیٰ

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن برمجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور محتویاتی امور عدلیهیه متعلقدر

توضیحات

رازلق قضاسی بدایت محکمه سی جزا دائره سی
ریاستی سیروز سنجایی بدایت محکمه سی اعضاسندن
مصطفی رشدی افندییه

اورخانه قضاسی بدایت محکمه سی جزا دائره سی
ریاستی دبره زیر قضاسی بدایت محکمه سی جزا دائره
سی رئیس مظهر افندییه

کشان قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن اسماعیل
جلیل افندییه تفویض بیورلمش ومومی الهمک علی-
الاصول امر تحلیف لری دردست اجرا بولنمشدر.

تبلیغات

دعوت قانونیه اجابت ایتمان شهوددن محکمه جه
استیفا سنه قرار ویریلان جزای تقدیلرک تسویه سندن
امتناع ایدنلر حقننده جزا قانوننک اوتوز یدنجی
ماده سی حکمنه ویاخود جرائمندن نشأت ایدن حقوق
شخصیه دعوالرینه متدائر بولنان اعلاماتک صور
اجرائیه سنی مبین اولان قانون مندرجاتنه توفیقاً
معامله اتخاذ اولمق لازم کله چکی امرنده تردد حاصل
اولدینسندن بجنله استفسار کیفیتی متضمن ارضروم
ولایتی استیناف محکمه سی مدعی عمومیلکندن وارد
اولان تحریرات اوزرینه انجمن عدلیه دن اعطاقلنان
مذکرده عندالحاکمه وقوعبولان دعوتیه اجابت ایتمان
مش وبالاخره درمیان ایلدیکی معذرت قبوله شایان
کوریه میهرک اولجه ویریلان قرارله مقصداری تعیین
اولنان جزای نقدی بی تأدییه وایفایه مجبورتی تحقق
ایلمش اولان شهودک امتناعی حالنده اولباده کی قرارک
دوائر اجرائیه معرفتیه تنفیذی لازم ولابد اولوب
صور اجرائیه سی دخی جرائمندن نشأت ایدن حقوق
شخصیه دعوالریله بوکی جزای تقدیلره متعلق مقررات
واعلاماتک کیفیت اجرائی مبین اولان سالف الذکر

نظامنامه ده کونلریدیکی وجهله مدعی عمومیلرک طای
اوزرینه اثبات اقتدار مثلاً معامله جریاننه حاجت
اولقسزین حبس وتوقیف وصالتی مجاز اولان اموال
واشیانک حجز وفروختی صورتلریله اجرا قانونی
احکامنه تابع بولنش اولدینندن بوکی مقررانک اجرا
قانونی مندرجاتنه توفیقاً تنفیذ واجرائی لازم کله چکی
افاده اولنمشدر.

عدلیه نظارت مبلر سنه عدلیه مفسرله محاکم
استینافیه مدعی عمومیلرینه تطبیق قلمانه تحریرات عمومی
صورته در:

موقتاً مأموریتدن طردی استلزام ایدن افعال
وحرکاتدن طولای ویریلان اعلامات جزائیه نک
اکثرینسنده تعیین مدت ایدلامکده وبوده جزا قانوننامه
هایوننک استناد اولنان موادنده یالکز افعال مذکوره
متجاسر لرینک مأموریتلرندن طردیه تأدییه اولنه-
جقلمی عباراتی مندرج اوله رق مدت حقننده بر فقره
موجود اولمامسندن ایلر وکلدیکی اکلاشلمقده اولوب
حالبوکه موقت طرد جزائی تعیین ایدن مواد قانون-
نیه ده مسکوت عنه براغلمش اولان مدتی قانون مذکورک
اوتوز آلتنجی ماده سی تحدید ایتمکده اولمسيله مواد
مزبورنک معطوف علیهی بولنان اشبو اوتوز آلتنجی
ماده قانونیه نک انای حکمنده نظر دفته آلتنرق اکا
کوره طرد مدتک دخی اعطاقلنان اعلامده تصریحی
اصولاً مقتضی بولنش اولدینندن موجب مغدوریت
برحال وقوعنه سببیت ویرلماک واحکام قانونیه نک
شوصورتله ده حسن جریانی تأمین ایدلمک اوزره
بعد ازیں احوال مماثلده بو وجهله معامله ایفاسنک
ایجاب ایدنلره تبلیغی انجمن عدلیه دن افاده ایدلمش
وعندالمذاکره مظنون علیک احوال سابقه وحاضر-
سنگ وحقننده موجب تعقیب اولان فعل ماهیتنجه
موجود اسباب مخففه ومشددنک بالتدقیق طرد مدتک
اکا کوره تعیین مقتضی بولنش اولمغین اول وجهله
ایفای معامله اولنمی ضممنده لازم کلانلره توزیع

محاکمات

ایدلمک اوزره اشبو تحریراتک نسخ مطبوعه کافیه سی
لقاً تسیار قلندی.

طرابلس غرب ولایتی مرکز بدایت محکمه سی
مدعی عمومی معاون سابق حسن فهمی افندیینک
اوراق انفصالیه ومدافعه نامه سی انجمن انتخاب مأمو-
رین عدلیه جه لدی التدقیق جواز استیخدا منه قرار
ویرلمشدر.

جمعه قضاسنک حیدرلی قریه سندن یوسف بن
حاجی ذوالقوی قتل قصدیه جرح ایتمسندن طولای
جنایتله اتهام اولنان قیمت بن عثمانک اوچ سنه مدته
کورکه قونلسنه دائر سرفیجه سنجایی بدایت محکمه سی
جزا دائره سندن ویریلان ۲۵ نومرولی اعلام
اسکوبک فروشه قریه سندن عمر بن صالحک
کیفیت قتلندن طولای جنایتله اتهام اولنان طاهر بن
مصطفانک اون بش سنه مدته کورکه قونلسنه دائر
قوصوه ولایتی استیناف محکمه سی جزا دائره سندن
ویریلان ۲۸۹ نومرولی اعلام

آیدینلی تاتارولینک خانه سی دیوارندن نردبان ایل
آشهرق درونندن سر قته تصدی ایلدیکی ادعاقلنمسندن
طولای جنایتله اتهام اولنان حاجی علی بن عبداللهک
اوچ سنه مدته کورکه قونلسنه دائر آیدین سنجایی
بدایت محکمه سی جزا دائره سندن ویریلان ۱۸۵
نومرولی اعلام

کاغدخانه قریه سنده مقیم وانی یناشمه صالحی
جرح وقتل ایتمسندن طولای جنایتله اتهام اولنان
قریه مذکوره قوریجیسی حسین بن علینک اون بش
سنه مدته کورکه قونلسنه دائر درسعات جنایت
محکمه سندن ویریلان ۱۶۲ نومرولی اعلام

یوز دیران قریه لی چوبان اوغلی حسینی قتل
قصدیه تشهر سلاح ایتمسندن طولای جنایتله اتهام
اولنان مرقومک عموجه زاده سی محمد علینک اوچ

سنة مدته كوركه قونلئسنه دائر ارضروم ولايتي استيناف محكمهسى جزا دائره سندن وريبلان ۶۴ نومرولى اعلام

يلواج قضائى اهايليسندن حاجى محمدك كيفيت قتلندن طولاي جنائتله اتهام اولنان باله اوغلى حسنك اون بش سنة مدته كوركه قونلئسنه دائر حيد آباد سنجاى بدایت محكمهسى جزا دائره سندن وريبلان ۷۹ نومرولى اعلام

زوجهسى عايشه قتل ايتسندن طولاي جنائتله اتهام اولنان تكوش قضائتقوادار قريهسى اهايليسندن مصطفى بن احمدك اون بش سنة مدته كوركه قونلئسنه دائر سلايك ولايتي استيناف محكمهسى جزا دائره سندن وريبلان ۲۰ نومرولى اعلام

بنى صعب قضايسنك عينا قريهسى اهايليسندن ابراهيم بن حسن الاحمدك ليلا اوكنه چيقهرق جبر استعماليله درت رأس مركبى اخذ وعصب وكندوسى جرح ايلدكلى ادعا قلمسندن دولاي جنائتله اتهام اولنان برقه قريهسى مكارهسى محمد بن حاجى اسعد العبد ايله احمد بن العبد بن حسنك اوچر سنة مدتلرله كوركه قونلئسنه دائر نابلس سنجاى بدایت محكمهسى جزا دائره سندن وريبلان ۱۳۸ نومرولى اعلام محكمه تميز جزا دائره سنجه تصديق اولمشدر .

۲۳۲ نومرولى نسخده مندرج درسمادت جنائت محكمهسى اعلامنك مابعدى :

راپورده دخى مقتل اولان او طهيه كيرلده قونك قارشوسونده بر كرهوت اوزرنده واقع يتاقده غير منتظم اولهرق مستور اولان اوچ عدد يورغان رفع ايله صاغ ساعدى مفصل روسغيسندن صول ساعدينك ثلث متوسطيله علويسنك ميانه بر يچق سائيمترو قطرنده برايله ظهرنده يكديكرينه مربوط وصاغه ميسال يوز اوستى بر شخصك باقمده اولدينى كورلمكه مذكور ايب چوزديريلهرك وصرئندهكى فائيله سيله باجاقلرندهكى بالئسقه دون چقارتدريلهرق معاييه اولدقدقه قيرجه صاچ وبقلى قره جه قاشلى مطروش چكلى وسط القامه والبنيه صاى الاكوزلى قرق بش ياشلارنده بر شخص اولوب بتون جسديك صمول حالى كسب ايلديكى وراسنك ناحيه جبههسى صاغ جانبنده عايلدن اسفله وحشيدن النسيه متوجه اولهرق عين طرف قوسى حاجيسى نهايت النسيه منتهى سكر سائيمترو طولده عمق عظمه قدر ونهايت سفلى كدمهلى حافه لرى اولدقجه منتظم عمق عظمه قدر بر عدد جرحه ايله صول ناحيه جدارىسى قسم علويسندن ناحيه ققاويسى سفلى قدر يكديكرينه قريب برنجيسى

بش سائيمترو طولده قدامدن خلفه انسيدن وحشى به منحرف عمق عظمه قدر ايكنجيسى سكر سائيمترو طولده وعين استقامتده كذا عمق عظمه قدر او - پنججيسى درت سائيمترو طولده عايلدن اسفله قدامدن خلفه متوجه عمق عظمه قدر درنجيسى يدى سائيمترو طول وعين استقامت وعمقده بشنجيسى عين طول واستقامت وعمقده وحافه لرى اولدقجه منتظم جرحه لى اولوب جله سيدة كسكنجيه بر آلت راضه ايله حصوله كله ييله جكلى اكلاشلمش وصول صيوان اذنى ارتكاز علويسندن بدا ايله عايلدن اسفله قدامدن خلفه متوجه وسط اذنه عمق عظمه قدر واطرافى كدمه لى اريك و بر آلت راضه ايله حاصل اللى سائيمترو طولده ديكر بر جرحه مع صيريق وهرايى كوزلى اجفاننده كسات وشيشك وقاعده انى صاغ جانبده ايكى سائيمترو وسعتده صيريق وكدمه واقفده صول طرفه طوغرى جزى برانخنا وحفرتين انفيه سنده عايلات دمويه ولسانك زرومى شفتسى ميانندن خروج ايله فيكى ازه سنده مضغوط بولنش اولدينى وصول ناحيه كنفهسى قسم علوى ووحشيسنده اوچ سائيمترو طولده وايكى سائيمترو عرضده ترصتيله حصوله لكش صيريق ناحيه مذكوره لك جهت انيسينده بر سائيمترو وسعتده ديكر بر صيريق وبش سائيمترو طولده و بر يچق سائيمترو عرضده عايلدن اسفله متوجه آلت راضه ايله حاصل خفيف بره وصاغ ناحيه كنفهسى حافه انيسى وسطنده بر يچق سائيمترو وسعتده ديكر بر صيريق واطراف علويلرندن صول ساعدينك ثلث علويسيله ثلث متوسطى مياننده دائرأ مادر يكديكرينه قريب ترشه حالنده اوچ عدد تلم وتحت التلم اوردنك جزى تحتلى وطرف مذكور يدينك طرناقارى مورامش وصاغ ساعدينك مفصل روسغيسنك جهت خافيسنده خفيفجه وحشى به طوغرى بسبتون منقطع ديكر بر تلم وطرف مذكور يدينك طرناقاريله بيض رنگه بولنش ومذكور تلمرك مربوط بولنان اييك تضيقندن ايلرو لكش ايدوكى وصول يدى راحه سنك دمه بولاشق وصاغ يدينك وسطى وسابه پارمقلى ظهرنده جزى دم لكلى بولندينى وبلنك صاغ طرف حفره حر - قفيه سنده تضيق امارهسى اولهرق اون سائيمترو وسعتده مائى بيشل برنك حاصل اولدينى ومرفو - مك باقمده اولدينى شلنك باش طرفى صاغ اوچنده وزمينك عين حذايه اصابت ايدن مخلنده خيلجه دم وكذلك باش طرفه اصابت ايدن ديواره بر جوق دم سريدينى مشاهده قلندينى وعلاقم مذكوره به نظراً متوفى مرقومك باشه اصابت ايدن قوه راضه نتيجهسى اولهرق حصوله كلان سكتة دماغيدن وفات

ايلديكى ازار قلمشدر .

قرايت اولنان اوراق مندرجانته نه ديه چكى متهم رضادن صورلدقده كندوسى مذكور كوشكده باقمدينى كى كرك مقتولى وكرك چراغى على بى دخى اصلا طائيدىنى اتيان ايلدى . مدعى عومليك طرفندن بالا عطا اوقونديريبلان شهود بوضه سنده اسملى محرر اولوب دعوت واقعه به اتباعاً ورود ايتدكارى خبر وريبلان شاهدلر بكان بكان حضور محكمه به چقاريلهرق عندالسؤال طرفنه بركونه قرايت وعداوت ومناسبتلى اولمدينى اكلاشلقدن واصلولى دائره سنده امر تخليفلى اجرا قلندقدن صكره منفرداً ومواجهه استماع اولدقلرنده بولردن جاده بوستاننده صفوت بكك كوشكنده باقمجاي ايدن وچركشه تابع اولاق قريه سنك دره كوني اهايليسندن قرق اللى ياشنده طومبهسى اوغلى مصطفى بن حسين كندوسنك قتلدن معلوماتى اوليوب اتحق عرفه كوني مقتول عثمان كندوسندن بر باقمه بلى آلدىنى وفرداى بيرام نمازندن صكره مرقوم عثمان مقيم بولندينى صفوت بكك كوشكده كلهرك استابوله كيدجكندن بمشله بر مجديه استقرار ايله كيتديكى واخشام اوستى مرقومك عودت ايلديكى ايشتمش ايسه ده كندوسى كورمديكى وبراىمك اوچنجى جمعه كوني عثمان مذكور بلى آلق وبرقاج كوندور نماكمده اولديغندن نه اولدينى اكلامق ايجون يناشمى محمدى كوندروب مرقومك كوشكك قوسى اتحق بولهرق عاينده اوراده كورمماسيله عودتله كيفيت اخبار اتجى اوررنه كندوسى ومومى ايله صفوت بك وآشجى احمد برلكده مذكور كوشك كيدرله ايجرو كيدرلارنده مرقوم عثمانك براوطه دروننده مقتولا يتاغنده باقمده اولدينى مشاهده ايلرله بوليسه اخبارماده ايتدكارى مضبوط افادهسى وجهله اخبار وعندالسؤال مقتول عثمان ايله علينك مذكور كوشكك براوطه سنده وحضور محكمه دهكى متهم رضانكده دائماً ديكر او طه - سنده باتدقلى ومقتول عثمان ايله مرقوم رضانك دائماً كورشدكلى بيلديكى ومرقومونك يكديكريله نمازعه ايتدكارى كورمديكى عثمانكده على به تعرضه بولنديغندن معلوماتى اولدينى وكندولرينك كوشكه عز بتملارنده رضائى اوراده كورمديكى نذكار ايلدى .

بوشاهدك ذات وشهادته نه ديه چكى متهم رضادن صورلدقده برشيدن معلوماتى اولدينى بيان ايلدى . قاضى كوينده يل ذكرمانى مرقوزنده مستخدم اوچنجى صنف بوليس قوميسرلرندن اونوزالتى ياشنده آستانه لى عزى افندى ابن عابدين عثمانك كيفيت قتلندن دولاي دردت ايدبلان رضانك قاضى كوى مرقوزنده

وقوعبولان استجوابنده مقتول عثمانك چراغى علينك كندوسنه مقتول مرقوم ايجون بكا قادين كى طاقيلور اولدروب ايشنى بتيوره چكم ديديكى وكجه مرقوم على كندوسنى چاغروب مقدا احضار ايتديكى ايله برلكده عثمانك اللرى باغلا دقلى وعلينكده بر آرشون طولنده دمير وبا صوبا اولدينى تعيين ايدمه چكى رشى ايله اوروب اولدريدكى بالطوع والرضا اقرار ايلديكى ايشتمديكى استطاقه موافق اولهرق اخبار ولدى - الاستفسار كندوسنك اورديغه دائر رضادن برسوز ايشتمديكى ومرقومه قان لكسى دخى كورمديكى وحققده شهادت ايلديكى رضانك حضور محكمه دهكى متهم شخص ايدوكى نذكار ايلدى .

متهمه كندوسى او بولده بر اقرارده بولندينى ويا لكز بن نعيم بن باقمدم ديديكى اتيان ايلدى . ججراى جديد موقعده مستخدم وتوزسكترده اون اللى نومروى حائر اوچنجى صنف بوليس قوميسرى اللى ياشنده ارن كولى عثمان افندى ابن يوسف حضور محكمه دهكى متهم رضانك دردت ايله قره غوله كتوريلهرك استجوابنده بيرامك ايكيجى پنجشنبه كوني اخشام اوستى ساعت اون بر يچقده اقامت ايلديكى كوشكه كلدكينده مقتول عثمان ايله چراغى علينك باقمده اغاچ ديكلمكه مشغول اولدقلى كورديكى وبراى صكره مرقوم على ياشنه كلهرك عثمان ايجون بن بونك قارىسيچى يم بكا طاقيلور بن بونك ايشنى بتيوره چكم كيجه برسس طوبار ايسه كله سكاكه زيات طوقمسون ديديكى حكايه ايلديكى ايشتمديكى افاده مضبوطهسى دائره سنده ياد ولدى السؤال متهم مرقوم كندوسى على ايله برابر مقتولك اللرى باغلا دقلى حققده برسوز ايشتمديكى ايراد ايلدى .

مومى الهما عزى وثمان افنديلر بالواجهه شهادتلى ياشندهكى مبايتى ازاله ايللى لزومى اخطار اولدقدقه عزى افندى كندوسى قاضى كوى مرقوزنده وقوعبولان استجوابنده حاضر بولوب متهم رضانك شهادتى وجهله اقرار جرم ايشتمديكى ايشتمديكى وججراى جديد مرقوزنده متهمك بويولده بر افادهده بولنديغندن معلوماتى اولدينى كى متهمدن مومى ايله عثمان افندى طرفندن اجرا قلنان استجوابنده نه سويلديكى دخى صورمديغنى وثمان افندى دخى متهم مرقومك ججراى جديد مرقوزنده كى افادهسى اخبارى دائره سنده بولنديغنى ومرقوم رضا ايراد ايلديكى اسله به بعضا سكوت ايدر وبعضاً آغلايهرق جواب و برر ايدوكى ومركزدهده كندوسنى ضرب ايدن اولمديغنى اتيان ايلدىلر .

مومى اليه عثمان افندينك شهادتته نه ديه چكى متهمدن صورلدقده سكوتى اختيار ايلدى .

كوز تپده طاش مكتب جوارنده قاسم باشالى حاجى بابانك قهوه خانه سنده قهوه جيلك ايدن اللى ياشنده ارضروملى داود اغا ابن مصطفى افاده مضبوطه مى وجهله رضانك ججراى جديد مرقوزندهكى استجوابنده حاضر بولنديغندن مرقومك وقعه اخشامى چراق على ياشنه كلهرك عثمان بكا طاقيلور بونك قارىسيچى يم ايشنى بتيوره چكم بر كورلى ايشيدرسه كله سكا زيات طوقمسون ديو كندوسنه سويلديكى اعتراف ايتديكى ايشتمديكى افاده وبيان ووقعدهن مقدم عثمان كندو قهوه خانه سنده كلهرك او طوروب كيتدكن صكره قتل ايلديكى طويدىغنى وديديكى رضانك حضور محكمه دهكى متهم شخص ايدوكى ومرقومى بوليس مرقوزنده ضرب ايتدكارى كور - مديكى علاوه اتيان ومتهم رضا ديه چكى اولمديغنى درميان ايتديلر .

(مابعدى كله جك نسخيه)

اوجوز اون طقوز سنهسى ايلونك اون التنجى كوني صباحه يقين قاسم باشاده دره بوينده فسجى بخورك دكانندن سرقة تصدى ايلديكى ادعا سيله متهم بولنان مقصودك اجرا قلنان محاكمهسى نتيجه سنده مرقومك فعل مذكوره تصدى ايلديكى شاهدلرك شهادتى وضابطه عدليه تقريرى مندرجائى دلايليه ثابت اولديغندن اولوجهل مجرميته وقانون جزائى ايكى يوز اوتوزنجى ماده سنك علاوهسى دلايليه ايكى يوز يكرى ايكيجى ماده سنه توقيفا اللى آى مدته حبس ايدلسنه ۲۵ كانون اول سنه ۳۱۹ تاريخنده محكمه جنايحه قرار و يرلشدر .

غلطهده ارقادى زقاغنده صادقى قتل قصديه جرح وصاوايه تشهير سلاح ووقوتوربانى عايداً جرح ايلديكى ادعا سيله متهم بولنان قهوه جى ايرانى حسينك اجرا قلنان محاكمهسى نتيجه سنده افعال مذكوره به مجاسرتى شاهدلرك شهادتى وكندوسنك صورت افادائى وطيب راپورلى مندرجائى ايله ثابت اولد - يغندن اول وجهله مجرميته وقانون جزائى يوز سكا نجي مادهسى حكمه توقيفاً اوچ سنه برماه مدته كوركه قونلئسنه ۲۹ كانون اول سنه ۳۱۹ تاريخنده محكمه جنايحه قرار و يرلشدر .

قوزغنجقلى استراطى وماريانوسك آورامك خانه سنى طاشلا دقلى ثابت اولمه ديدندن برائشدرينه عمر رئيسك سلميانى ضرب ايلديكى ثابت اوله - مديغندن برائنه

احمدك رائقى ضرب ايلديكى ثابت اولمه ديدندن برائنه موعونه جى عثمانك روس واپورلرندن خلاط سرقه ايلديكى ثابت اولمه ديدندن برائنه واحدك فاضل نام چوچنى ضرب ايلديكى ثابت اولمه ديدندن برائنه

اوستريا دولتى تبعه سندن قهوه جى قوچونى ضرب ايلديكى ادعا سندن طولاي مظنون عليه اولان بوليس مولود وزادارمه محمد اغا لرك فعل مذكوره جرائزى ثابت اولمه ديدندن برائشدرينه

سليم سلميانك ايكى كىلو توتون قاچردىنى ثابت اولديغندن رزى نظامنامه مى احكامه توفيقاً مرقومدن طقسان غروش جزاى نقدى اخذينه سلاميزده ساكن رسام آطوان افندينك ترمى سركزى ضرب ايلديكى ثابت اولديغندن برابر آله ررق مضروبه اعطاسنه

سلامى على افندى محله سنده ساكن قايقچى احمد اغاك خلاف تنبيه اوزرنده سلاح طاشيدىغندن طولاي مرقومدن اون بشلك جزاى نقدى اخذينه بقال استفانى ضرب ايدن بلبانده ساكن تحمين افندين برابر آله ررق مضروبه اعطاسنه اوستريا دولتى تبعه سندن موسيو دانيالك ساعتيله تقودينى وترسانه هانمك چكمله لرى قهره ق درونندهكى تقود موجوده سرقه وتوقيفخانه دن فراده جرائت ايتسندن طولاي مظنون عليه اولان فارس نام ديكر محمد بن مصطفىانك افعال مذكوره به جرائت ثابت اولديغندن ايكى سنه حبسه

بوليس موسى افندى ي اجراى مأموريت حالنده تحقيق ايلديكى ثابت اولان نيره خانونك اون كون حبسه ايرانى آغا نام شخسى ضرب ايلديكى اصولاً ثابت اولان صادق افندينك اون بش كون حبسه حق دخولى اولمدينى حالده استاوري قادينك خانه سنه كيرديكى ثابت اولان حسين بن محمودك يكرى درت ساعت حبسه برابر مرقومدن اللى بشلك جزاى نقدى اخذينه

حسين اغايه اطاله لسان ايدن يالكز سرويده ساكن اسماعيل حقى افندينك بر ليرا جزاى نقدى اخذينه

خسروه اطاله لسان ايلدكارى ثابت اولان آق بابا زقاغنده بقال چراغى نيقولى ايله بوركيدن يارمشر ليرا جزاى نقدى اخذينه

اورنه كوى ساكزلرندن امراللهك اشيا سنى سرقه ايدن بشكاشده كوى ايجنده ساكن اثونك اوچ ماه حبسه ختام مدتنده ضابطه جه كفائته ربطه

سر سريلكي اصولاً تين ايدن لوفچيلى عثمان بن عبداللهك برماه حبسيله ختام مدتند ضابطهجه تنسيب اولنه جق محله طرد وتبعيدينه

بايزيد محلهسند كريكو افندييه اطاله لسان ايدن طااولهلى يانقودن بر ليرا جزاي نقدي آلمسنه اوستريالى نيقوليني جرح ايدن بالقجي بهاءالدينك اون كون حبسنه

ارنبود كويلي محمدك اشياىنى سرقت ايدن سرکه جيزه ساكن علينك اوچ آي حبسنه وختام مدتند ضابطهجه كفالتنه ربطنه

قاسم پاشاده ساكنه باركيجي محمد اغا زوجهسى فاطمه و كريمهسى افاقك خديجه خانم كريمهسند اطاله لسان ايلدكلى ثابت اولديغندن فاطمهك اون كون حبسنه وفاقندن بر ليرا جزاي نقدي آلمسنه درسعدت ، بك اوغلى واسكدار بدایت محكمه لری جزا دائره لرنجه قرار ویرلشد

مُجَازَاتُ اَنْدِیَا هِیْه

کونان قضاسی نای و بدایت محکمہ سی رئیس نافع افندینک امور مأموره سنجہ وقوعه کتیردیکي سوء استعمالات و خلاف اصول وقانون حالندن طولای محاکمه آلتنه آلمسنه خداوندکار ولای استیناف محکمہ سی مدعی عمومیلکیندن کوندریلان اوراق تحقیقیه اوزرینه عدلیه نظارت جلیلهسندن مأذونیت ویریلرک مذکور مدعی عمومیلکه تبلیغات مقتضیه اجرا و کیفیت محاکمهسندن طرف عالی مشیختنهاییه معلومات اعطا قلنمشدر

اِخْلَافَاتُ

تجارت بحریه محکمہ سندیه :

مار پوشجیلارده عبود افندی خاننده ۳۶ نومروده مقیم قومیسونجی موسی کاظم افندینک ۲۵ کانون اول سنه ۳۱۹ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمہ دن سعادتلو ابراهیم بکک ژور قومیسر ومدعی آورام نعموک موقت سندیک تعینلرینه ومغازه سیله اشیاى زائده بیتیه سنک تمهیرینه واوراق ودفاترینک جانبه وكفالت ارانه ایدمه مدیکي صورتده حبس وتوقیفنه وبوبایده کی قرارک موقه اجراسنه محکمہ تجارت بحریهجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره ۳۱۹ سنه سی کانون نائینسک اون اوچنجی ضالی کونی ساعت

یدی راده لرنده اصحاب مطلوبك محکمہ مذکورہ نك افلاس اوپه سنه کلیری اعلان اولنور

اعلامات شرعیہ اجرا دائره سندیه :

متوفی صالح افندی ورثه سنک متوفی الحاج ابراهیم ادهم افندی ذمتندہ قسمت عسکریه محکمہسندن ویریلان مقتضا اعلامی موجبجه آله جقلری اولان مبالغ معلومه نك تأمین استیفاسی ضمننده مرهون وفروختی محکوم بولسان چارشوی کیرده حکاکلر چارشوسندہ واقع یکرمی سکیز نومرو ایله مرهم بر باب وقف حکاک دکانی درونسندہ موجود کدک بوندن اقدام لدی المزیاده لیرای عثمانی یوزغروشندن اوچ بیک یوز غروش بدل ایله طالبی اوزرنده تقرر ایتش وموقت قراردادہ سی کشیده قلنش اولدیغندن یوزده بش ضمیله بوندن زیاده یه طالب اولانلرک تاریخ اعلاندن اعتباراً اوتوز برکونه قدر درسعدت اعلامات شرعیہ اجرا دائره سندیه مراجعت الیلری ومدت مذکورہ ختامندن صکره ضم قبول اولنموب تقرر ایدن بدل مقابلنده طالبی عهده سنه معامله فراغیه سنک اجرا قلنهنجی اعلان اولنور

درسعدت تجارت محکمہ سی اجرا دائره سندیه :

داوید داویدیان افندینک ایکنجی محکمہ تجارت اعلامیه محکوم به اولان آله جقنک تسویه سیچون صاری یارده یکی محله جادهسندہ یوز یکرمی ایکی نومروایله مرهم درت اوپه وبرمطبخ وقیومشتملات سائرہ یی حاوی وآرقه طرفنده علی التخمین بشیوز ذراع عتیق مقداری اولوب اتصالنده کائن یوزیکرمی نومرولی خانه ایله مشترکاً قوللانیلور باغچہ یی محتوی بر باب خانه مدیون مومی الیهک متوفاه والدهسندن منتقلاً متصرف اولدینی خمس حصه شایعه سی بوندن اقدام موقع مزایده یه قونیله رق عثمانی لیراسی یوز غروش حسابیه ایکبیک التیوز غروشده طالبی عهده سندہ قالمش وتاریخ اعلاندن اعتباراً اوتوز برکونه یعنی کله جک شباط رومینک اوچنجی ضالی کونی ساعت اونه قدر یوزده بش ضم قبول اولنسی و ذکر اولان یوم وساعتده صوک مزایده سی بالاجرا قرار قطعسی ویریلرک طالبی عهده سنه کچورلمسی مقرر بولنش اولدیغندن وآندن صکره هر نه ضم وقوعبولور ایسه قبول اولنیه جقندن مذکور حصه یه یوزده بش ضمیله طالب اولنلرک ودها زیاده معلومات المی استیانلرک بدل مزایده نك عشرینه مساوی پی اچمه یله برابر مدت مرقومه ظرفنده محکمہ تجارت اجرا دائره سندیه مراجعت الیلری ویوم ووقت مزبورده

مذکور خانه پیشکاهنده مأموری مواجههسندہ حاضر بولنلری اعلان اولنور

اسکدار بدایت محکمہ سی اجرا دائره سندیه :

عطیه خانمک خره سانجی اغوب ذمتندہ با اعلام الاجنی بولنان مبالغک تأمین استیفاسی ضمننده محکمہ جانبدن حجز اولنان درسعدتده چقور چشمه ده بلیان اغا محلهسندہ واقع بر طرفی عطیه خانمک کراسته جی دکانی وبر طرفی فرونک دستکاه محلی وارقه جهتی مزبوره عطیه خانمک کراچخانه سی وبر طرفی چقور چشمه زقاعیله محدود مدیون اغوبک متصرف اولدینی درونسندہ مستقر حرمین ودارالسعاده اغاسی وقفندن الی درت واللی الی واللی نومرو ایله برابر اولدینی حالدہ عتیق بربر وقوندیره جی والیوم فوئنده براوطه وآلتندہ بر بودرومی حاوی تخمیناً یتش ارشون اوزرینه اون ایکی نومرولی دکان درونسندہ کدکی وملکی برابر اولدینی حالدہ سودجی دکانک تاریخ اعلاندن اعتباراً اون بش کون صکره بالمزایده فروخته مبادرت اولنهنجی اسکدار بدایت محکمہ سی اجرا دائرهسندن اعلان اولنور

کوریه سنجانی بدایت محکمہ سی اجرا دائره سندیه :

کوریه قضاسنک سود قریه لی علی بن عبدالرحمن افندینک قضاء مزبورک زیچشته قریه لی خرستو ویاقول ولدان یورکی ذمتلرنده با اعلام محکوم به آله جنی اولان مبالغک تأمین استیفاسی ضمننده مرقومانک قریه مزبوره ده متصرف اولدقلى معلوم الحدود اراضینک تاریخ اعلاندن اعتباراً اون بش کون صکره بالمزایده فروخت اولنهنجی اعلان اولنور

کوریه تجارتندن دیمتری آندریانک قصبه مذکورہ خلقندن اولوب اقامتکاهی مجهول آندریاسو طیرغارو نام کسنده اولان آلا جقندن طولای کوریه بدایت محکمہ سی اجرا دائرهسندن تنظیم قلنان ۲۹ ایلول سنه ۳۱۹ تاریخلی برقطعه حجز اخبارنامه سنک اصولی دائره سندیه محکمہ دیوانخانه سنه تعلیق اولنش وتاریخ مذکور دن اعتباراً اوچ آی ظرفنده محکوم علیه مرقوم سو طیرغارونک اجرا دائره سنه کلوب اثبات وجود ایتسی وعکشی تقدیرده معامله نظامیه ایضا اولنهنجی اصول محاکمات حقوقیه قانوننک یکرمی طقوزنجی ماده سی موجبجه اعلان اولنور